




- olteterau:** (*olter`au*)
olteterau a mekudem el olterau.
- olteteremed:** (*olteter`emed*)
olteteremed a mekekakil el olteremed.
- olteterkokl:** (*olteterk`okl*)
olteterkokl a mekudem el olterkokl.
- oltetirakl:** (*oltetir`akl*)
oltetirakl a oltirakl.
- oltetremed:** (*oltetr`emed*)
olteteremed a melemolem el olteremed.
- oltetremere:** (*oltetrem`erem*)
olteteremere a melemolem el olteremere.
- oltetriid:** (*olter`iid*)
olteteriid a olteriid.
- oltiid:** (*olt`iid*)
oltiid a otidii, meruul er ngii me ng tmiid, tiid.
- oltiil:** (*olt`iil*)
oltiil a oltuil, olsirs er ngii.
- oltilech:** (*olt`ilech*)
oltilech a locha er a bebul, otilech, otelechii a ochil, otelechel a ouach.
- oltirakl:** (*oltir`akl*)
oltirakl a oltoir, okiuriul, otireklii a omerael, otirakl a telbiil, otireklel.
- oltirecherech:** (*oltirech`erech*)
oltirecherech a oba tedbechel mo er a medal, otirecherechii, tirecherech, tirecherechel.
- oltitech:** (*olt`itech*)
oltitech a melitech, soiseb er a meseked, otitech el osiik er a techall, otitechii a kingall, otitechel.
- oltitenganged:** (*oltiteng`anged*)
oltitenganged a olenganged, oltorech er a ngesachel el mo er eou; titengangedel.
- oltkel:** (*oltk`el*)
oltkel a olutk er ngii, melutk.
- oltngakl:** (*oltng`akl*) (1)
oltngakl a olluut, diak le kengei, chetil el melai; oltngakl a kall, oltngaklii a udoud, oltngaklel.
- oltobed:** (*olt`obed*)
oltobed a otobed, ngmai er a chelsel el locha er a ikr, otebedii a chad e delengchokl, otebedel.
- oltobede:** (*oltobede`ur*)
oltobede a tekoi el omuchel a derouakl, ocherechur, ngellakel a oltobede.
- oltoched:** (*olt`oched*)
oltoched a olturekrenge, tmoched, mekngeit el omerreder a oltouchedchad.
- oltoech:** (*olt`oech*)
oltoech a oltom; otoech a deel er a bitang, oltuech a mederir el omes; tmoech, otechel a mad.
- oltoi:** (*olt`oi*)
oltoi a olsiseb, oldak, otongii a babii er a ngikel (odoim), uldimukl, otoi, teloi, otongel.
- oltoir:** (*olt`oir*) (1)
oltoir a ultoir, otoi, sau, beltik el reng, oltair er ngii, ultirel.
- oltoir:** (*olt`oir*) (2)
oltoir a remurt el okiuellel; soal el orekedii; bulis a oltair er a merecherech; otirel.
- oltom:** (*olt`om*)
oltom a otom, ocholt, oisech, odum, oltom a mederir er a urreor; otoech a mederir er a mechesang.
- oltorech:** (*olt`orech*)
oltorech a oltorech; remuul el mo ketiterachel, oltorechii a rael, oltorechel.
- oltotoi:** (*oltot`oi*)
oltotoi a oltotoi: melecha er a delonge.
- oltour:** (*olt`our*)
oltour a otour; loa er a ulk, oturii a ngalek, otur.
- oltubokl:** (*oltub`okl*)
oltubokl a oba er eou; otubeklii a bdelul er a tebel, otubokl, otubeklel.
- oltuchakl:** (*oltuch`akl*)
oltuchakl a okerir el mei er a blii; otucheklel a meleboteb el chad; otucheklii me lomengur; touchakl a mlai; otucheklel.





oltuil

oltuil: (*olt`uil*)

oltuil a olsirs; oltuil a biskang er a kerrekar; oltiil.

olturek: (*olt`urek*) (1)

olturek a oturek a mlai er a cheldukl; oterekii a ert er a Charekemais; oterekel.

olturekrenng: (*olturekre`ng*)

olturekrenng a omekseselkrenng, becheldechedechaol a olturkrenng.

olturk: (*olt`urek*) (2)

olturk a melai er a kengei; oturk er a merreder, oterekii a demal, oterekel a omilil.

olturk: (*olt`urek*) (3)

olturk a oterekokl a blulekngel; olturk er a ngerel; oterekii, oturk a tekoi, oterekel.

oltut: (*olt`ut*)

oltut a msa tut (kall), otutur a ngalek, otutul.

oltutakl: (*oltut`akl*)

oltutakl a oleholt, olengasech a kngtil, telemellel a chad, otuteklii, otutakl, otuteklel er a kort.

oltuu: (*olt`uu*)

oltuu a olsiseb, otungii, otuu a kall, otungel a klalo er a bai.

oltuub: (*olt`uub*)

oltuub a otuub el melekoi a mekngit el kirel a chad; omekidokel a rechad; otubii a sechelii; otubel.

oltuubladek: (*oltuubl`adek*)

oltuubladek a omis el mo ngerel a chelid e melkoi a rechad, kuk melekoi a tekingir a rechad er a rebladek.

oluatel: (*olu`atel*)

oluatel a kirel el moluut; chutem a oluatel el mo er a ouchutem er ngii; oluut, olutii, olutel.

olubet: (*ol`ubet*)

olubet a klekedall, kldachelbai el melubet, nglunguuch a olubet, ngubetii, olbetelel.

olubs: (*ol`ubs*)

olubs a ralm me a ngii di le ngera el melubs, melekimes; subsii, suubs, olebsel.

oluchel: (*oluch`el*)

oluchel a olauch er ngii, melauch.

oluchelel: (*oluchel`el*)

oluchelel a oluuchel er ngii.

oluches: (*ol`uches*)

oluches a klekedall el meluches, olechesel.

olud: (*ol`ud*)

olud a kirs.

oludel: (*olud`el*)

oludel a oliud er ngii, meliud.

oluis: (*ol`uis*)

oluis a klekedall el meluis, oluis er a semum.

oluk: (*ol`uk*)

oluk a klekedall el meluk; (oles, ebakl) tukur, tmuk a kerrekar.

olukl: (*ol`ukl*)

olukl a raod, blouch el bambuu el orreked a toechel el chado.

olumud: (*olum`ud*)

olumud a ta er a bedengel a emull bereked a chutem.

olungd: (*ol`ungd*)

olungd a klekedall el melungd, olengdel.

olusel: (*ol`usel*)

olusel a oluus er ngii.

olutall: (*olut`all*)

olutall a oluatel.

olutel: (*olut`el*)

olutel a oluut er ngii, olluut.

olutii: (*olut`ii*)

olutii a olluut er ngii; merader.

olutk: (*ol`utk*)

olutk a klekedall el melutk, tutk kaiu, bambuu el melutk, oltkel.

oluuchel: (*ol`uuchel*)

oluuchel a oruikl el bliil a ramek; oluchelel.

oluul: (*ol`uul*)

oluul a klekedall er a omelau; llel a ngel a oluul a meringel.



- oluus:** (*ol`uus*)
oluus a besebes; budel a cheremall a besebes; klekedall er a omerasm el toechel, olusel.
- oluut:** (*ol`uut*)
oluut a olluut; merader; oltel.
- omached:** (*om`ached*)
omached a tiutudii a cherrungel; mached a kukau, mechedii, bechedel a kall.
- omachediil:** (*omached`iil*)
omachediil a smecher er a blachediil.
- omachel:** (*om`achel*)
omachel a melebtib; machel a idungel, mechelii a kerrekar, bechelel a idungel.
- omad:** (*om`ad*) (1)
omad a oba chimal el melaiu; omad er a ochil el meringel.
- omad:** (*om`ad*) (2)
omad a suld, omad a chesemel, omad a belsiich el kukau.
- omadek:** (*om`adek*)
omadek a msa badek, bedekel el chedecholl; badek el udoud.
- omadel:** (*om`adel*)
omadel a nguu er a ollomel; madel a diokang, medelii a dait, bedelel a diokang.
- omades:** (*om`ades*)
omades a omechobech, mades a blai, omades er a rengalek; bedesel a terekill el kall.
- omai:** (*om`ai*)
omai a diak le bleketakl el kmo, ng soal ng chetil; omai er a rengul er a kongei.
- omail:** (*om`ail*) (1)
omail a mail; locha bilel, mail a uldurokl, milii a ngalek, bilel.
- omail:** (*om`ail*) (2)
omail a ulekgall er a lius el blil a ralm me a ilaot, omail er a omelenges; omilel.
- omail:** (*om`ail*) (3)
omail a chiuesel a bedul, omilel a bdelul a chad.
- omais:** (*om`ais*)
omais a blechoel el merael; meses el omais a obliil, bais, bisel.
- omaitarebub:** (*omaitareb`ub*)
omaitarebub a merael a chimal e obult el mo dengarech e kuk mo chebecheb.
- omak:** (*om`ak*)
omak a loia okul; orebetii a ouak, mekur a bilis; omak a ert.
- omakes:** (*om`akes*)
omakes a merael omekebakes, blekeklel a ouach, bakes, bekesel.
- omal:** (*om`al*)
omal a mengas a reng, ongasireng, obal, melengii a renguk, belengel a reng.
- omalech:** (*om`alech*) (1)
omalech a malech a ngikel; melechii a charem el oba balech; belechel.
- omalech:** (*om`alech*) (2)
omalech a omeklemalt; omechas a kerrekar el ousbech er a balech.
- omalek:** (*om`alek*)
omalek a omurek; rullii el mo ulalek; chedelekelek, omalek a such, ulekel a such.
- omall:** (*om`all*)
omall a ta er a klekedellel a kldmel a chad; eungel a ngor a omall; omellel.
- omals:** (*om`als*)
omals a rullii el meluked a belsel a tellemellel, melsii a merechorech; belsel a olterebek.
- omang:** (*om`ang*)
omang a blang (mo er a bab e metengel e ngmasech), biskang a omang, obengebang.
- omangch:** (*om`angch*)
omangch a banch, mengchii, bilis a mla mangch a malk, mengchii a ngalek, bengchel.
- omangl:** (*om`angl*)
omangl a bangl; merael e keterkokl, menglii, omangl er a lidel er a burech, benglel.



omaoch

omaoch: (*om`aoch*)

omaoch a omebaoch; merael a bochel, ralm a omaoch el metengel.

omaol: (*om`aol*)

omaol a melecha uaol; maol a chetaki, omerellel a omaol a sius; omekedong a mekngit el tekoi.

omar: (*om`ar*)

omar a mengesbad; merengii, chosbad, mengelebed, omar a medal, berengel.

omarech: (*om`arech*)

omarech a merechii; marech, locha er a dekimes, omarech a kall er a ilumel, berechel.

omart: (*om`art*)

omart a ocheuekl; remuul el mo diak le moues, mertii, mart a kelel, bertel.

omasech: (*om`asech*) (1)

omasech a omechur; melekoi a ildisel, masech a sulel, mesechii a ta el sils, besechel.

omasech: (*om`asech*) (2)

omasech a diak le meleamt; meliud el mo e mei; mlai a omasech er a ikrel.

omat: (*om`at*)

omat a mo kmedii; metir a olekang er a ingukl, omat er a btil a di dengchokl e chetil el merael; otil.

omatek: (*om`atek*) (1)

omatek a mekngit el chemei; diak el ungil el tuong.

omatek: (*om`atek*) (2)

omatek a mengereomel; mangedmokl, ulatek a kelel a diak le meterekakl.

omaus: (*om`aus*)

omaus a blid a ochil; nguu a bita el ouach el loaia er a bebul a bitang; meloik a omaus, omubaus.

ombebechar: (*ombebech`ar*)

ombebechar a mekudem el omechar.

ombebechobech: (*ombebech`obech*)

ombebechobech a mekekakil el omechobech.

ombebechucher: (*ombebech`ucher*)

ombebechucher a mekekakil el omechucher a ududel el mo ulechucher.

ombebechur: (*ombebech`ur*)

ombebechur a mekudem el omechur.

ombebedikl: (*ombebed`ikl*)

ombebedikl a omedikl.

ombebedobed: (*ombebed`obed*)

ombebedobed a mekekakil el omedobed.

ombebekako: (*ombebek`ako*)

ombebekako a mekudem el omekako.

ombebekall: (*ombebek`all*)

ombebekall a mekudem el omekall; ombebekall a delul a chelebacheb.

ombebekebok: (*ombebekeb`ok*)

ombebekebok a mekudem el omekebok.

ombebekord: (*ombebek`ord*)

ombebekord a mekokil el omekord a cheldechedechal; blekord.

ombellokl: (*ombell`okl*)

ombellokl a mekekakil el merael el omellokl el mo e mei.

ombebungur: (*ombebung`ur*)

ombebungur a mekudem el omengur.

ombeberebart: (*ombebereb`art*)

ombeberebart a omerebart.

ombebereberek: (*ombebereb`erek*)

ombebereberek a omereberek.

ombeberengakl: (*ombebereng`akl*)

ombeberengakl a omerengakl a daob.

ombeberrous: (*omberr`ous*)

ombeberrous a beberrusel; uldesuel, omeltkel, ko er a omerrous.

ombebibail: (*ombib`ail*)

ombebibail a omibail; mekudem el omail a betok el blibail; bilel a betok el uldurokl.





- ombebrebir:** (*ombebreb`ir*)
ombebrebir mekekakil el omir;
ombebrebir a chimal el
mengedecheduch.
- ombebuachel:** (*ombebu`achel*)
ombebuachel a telkib e meses e
melemolem el omuachel; melekoi
a chaisngemokel, bluachel.
- ombebubaus:** (*ombebub`aus*)
ombebubaus a merael el omubaus
a ochil; diak el melemalt a ochil;
smecher a ombebubaus er a rael;
omaus.
- ombibduu:** (*ombibd`uu*)
ombibduu a omduu; rengalek a
ousekool el ombibduu, mdungii
mduu, bdungel.
- ombibechakl:** (*ombibech`akl*)
ombibechakl a blechakl; diak el
uresors; mlai a omechakl, lius a
ombibechakl er a daob.
- ombiblotk:** (*ombibl`otk*)
ombiblotk a mekudem el omlotk;
mekudem el melechesokl.
- ombibriid:** (*ombibr`iid*)
ombibriid a oudersesei el omriid;
diak longudel, omriid a kelel a
malk.
- ombibritel:** (*ombibr`itel*)
ombibritel a ouderiu; mekerasem a
omritel, bertelel er a kerrasem.
- ombibrotech:** (*ombibr`otech*)
ombibrotech a kokil el omrotech,
mertechii; bertechel a sechelil
- ombibtar:** (*ombibt`ar*)
ombibtar a milil el omtar.
- omchadu:** (*omch`adu*) (1)
omchadu a melebes; mechadu a
mamed; mecheduii, ocheduel
a mamed
- omchadu:** (*omch`adu*) (2)
omchadu a melai a mekeald el
oba ochadu; omechadu a delul el
ngikel.
- omchaet:** (*omech`aet*)
omchaet a loa uchaet; mchetii a
kerelel; uchotel a kereel.
- omchebecheb:** (*omcheb`echeb*)
omchebecheb a omult er a
dengarech el mochebecheb; mo
diak el dengarech; mechebechebii
a olekang.
- omchechederenges:**
(*omechecheder`enges*)
omchechederenges a orrenses;
omchederenges.
- omchecheracheb:** (*omechecher`acheb*)
omchecheracheb a telkib el tmoech
a medal er a sechelil; omcheracheb.
- omchedrenges:** (*omchedr`enges*)
omchederenges a kokil el oltaut er
a oderengesel; meringel el rongesii
a mengemengemed el langel;
omchederenges er a kekerei el
langel.
- omcheled:** (*omch`eled*)
omcheled a msa cheldil; omcheled
er a sechelil el meltom; dimlak a
cheldil el ngikel me a cheled.
- omchelel:** (*omchel`el*)
omchelel a omechoel; sei el mo
blech er ngii.
- omchelucheb:** (*omechel`ucheb*)
omchelucheb a locha chelucheb;
dekedekel a ngeliokl,
mechelechebii, mechelucheb,
ochelechebel.
- omcheracheb:** (*omcher`acheb*)
omcheracheb a ulecheracheb;
mesemai a rechad, mcherechebii a
sechelil.
- omcheraches:** (*omcher`aches*)
omcheraches a mengiil er a
cheraches.
- omcherechero:** (*omecherech`ero*)
omcherechero a omelbult er ngii;
omechero; omcherechero er a
udoud el melangch er ngii el kmo
ng mera el udoud ng diak;
ochereuel a udoud.
- omchero:** (*omch`ero*)
omchero a omekedengarech;
mechero a chimal; mecherouii a uel
er a chelechol, meltii, ochereuel.





omchidel

omchidel: (omch`idel)

omchidel a belatong el bliil a ongraol, omechedelel a rubak.

omchim: (omch`im)

omchim a mengedecheduch me a chimal a obengkel a tekingel; mengedecheduch er ngii.

omchoel: (omch`oel)

omchoel a klekedall el omech eru el klalo, omchelel a klilt; omechoel er olbiungel.

omcholo: (omch`olo)

omcholo a melai a cholo; mecheleuii a ngikel; mecholo, ocheleuel.

omchub: (omch`ub)

omchub a melecha a uchub; mchebngii a bai, mchub a blai, uchebngel.

omdabd: (omd`abd)

omdabd a ngmai a rodech el rokui, mdabd a mengur me a meduch el iedel; mdebdii a meradel, udebdel.

omdach: (omd`ach)

omdach a tomall a bedengel; mdach a chimal me a ulul; chelebed a omdach a rechad, udechul.

omdael: (omd`ael)

omdael a ta er a klekedall er a chad; ongingil a cheukl; omedelel a babii.

omdai: (omd`ai)

omdai a mengurs; mdeir a ouak, mdai a chetakl, udeil.

omdalem: (omd`alem)

omdalem a meklemeltii el kirel; mdalem a biskang; mdelemii a bosel, udelemel a boes.

omdaob: (omd`aob) (1)

omdaob a locha daob, sar er ngii, mdebii a klengoes, udebel.

omdaob: (omd`aob) (2)

omdaob a mecherei e mengiil er a techellel; ungil el belsechel; omdaob el mo diak a chad e ng mesauch a buuch.

omdaol: (omd`aol)

omdaol a chiklel a longitakl; mengitakl el klou el omritel a ngerel.

omdasu: (omd`asu)

omdasu a melebedebek; melatk, omdasu e meruul, mdesuii, udesuel a mo er a chei.

omdebadel: (omdeb`adel)

omdebadel a omadel el oudersesei el melmors; omdebadel a diokang, medelii, bedelel.

omdebades: (omdeb`ades)

omdebades a ouderta el omechobech; mades, omades er ngii, medesii, bedesel.

omdebades: (omedeb`ades)

omedebades a omades; ouderta el omechobech; mades a kles.

omdechem: (omd`echem)

omdechem a otoir el oreked; mdechem, mdechemii a merchorech el diall, udechemel.

omdechulel: (omdech`ulel)

omdechulel a omdechuul er a bedengel; bdelul a chad a omdechulel.

omdechuul: (omdech`uul)

omdechuul a beot el moudach er a bedengel a chad; omdechulel a chad a bedul.

omdedabd: (omded`abd)

omdedabd a mekudem el melai; omdabd a iedel.

omdedasu: (omded`asu)

omdedasu a telkib e mekudem el omdasu.

omdedebadel: (omdedeb`adel)

omdedebadel a omdebadel.

omdedebades: (omdedeb`ades)

omdedebades a omdebades, omades.

omdedechem: (omded`echem)

omdedechem a omdechem.

omdedelid: (omdedel`id)

omdedelid a melemolem; omdelid, merael a ngamekchui, omdedelid a telbiil, udidal.





- omdedidm:** (*omded`idm*)
omdedidm a telkib el omdidm.
- omdedor:** (*omded`or*)
omdedor a omdor.
- omdelel:** (*omdel`el*)
omdelel a omdael er ngii.
- omdelid:** (*omdel`id*)
omdelid a okiu a ulekrael;
omdelid a roel a demak e ngar er a ocheraol.
- omderengel:** (*omdereng`el*)
omderengel a omderungel er ngii.
- omderungel:** (*omder`ungel*)
omderungel a klekedall el omkechuu; omdor a chull; deluus me a blai a omderengel; uderengel.
- omdid:** (*omd`id*) (1)
omdid a meruul a did; melecha did er a omoachel, mdidar, udidal.
- omdid:** (*omd`id*) (2)
omdid a okiu; merael a urroel a demal, omdid a telbiil, udidal.
- omdidm:** (*omd`idm*)
omdidm a berrotel e omes; melangch, mdedmii a merechorech, mdidm a berotel el klalo; udedmel.
- omding:** (*omd`ing*)
omding a oker e lmuut el oker, ulturek a keril; olsiseb er a dingal.
- omdingel:** (*omd`ingel*)
omdingel a omekringel, oumekngit, omdingel er a rengalek, bdingel el mechas, bdingel.
- omdodaob:** (*omdod`aob*)
omdodaob a chemaot er a daob, bilas a merael el omdodaob.
- omdoim:** (*omd`oim*)
omdoim a mesterir a odoim, omdoim a kles, mdimii, udimel.
- omdois:** (*omd`ois*)
omdois a mdois; locha dechelel, mdisii, mekbetok a udoud el kirel a skuul, udisel a udoud.
- omdor:** (*omd`or*)
omdor a ngar er a omderungel; diak longebou, mderengii a diak a bliil, uderengel.
- omdoud:** (*omd`oud*)
omdoud a msa ududel, mdudii a ngalek, ududel.
- omdui:** (*omd`ui*) (1)
omdui a olsiu a klautoketok me a klakoad; olechoid el meruul a rechad me te kakoad; udial a klakoad.
- omdui:** (*omd`ui*) (2)
omdui a menguml a ngau el olab dui.
- omduu:** (*omd`uu*)
omduu milil el omduu, mdungii, mduu, bdungel.
- omebael:** (*omeb`ael*) (1)
omebael a klekedall el omeob; omebael er a blauang; omebelel a dioll, oumebael.
- Omebael:** (*omeb`ael*) (2)
Omebael a iungs er a Oikull.
- omebaoch:** (*omeb`aoch*)
omebaoch a omaoch, ralm el merael; bochel a ralm, baoch.
- omebelel:** (*omebel`el*)
omebelel a omebael er ngii el dioll.
- omeboes:** (*omeb`oes*)
omeboes a ousesekool, mesesilil el omoes.
- omech:** (*om`ech*)
omech a odak erung el mo tang, omech a mamed, udoud a mech ocheraol, did a omech a beluu.
- omechachau:** (*omechach`au*)
omechachau a olekngemed; mo diak; omelim el rrom a mechachau a idib, mo bechachau.
- omechakl:** (*omech`akl*)
omechakl a ombibchakl; blechakl, lius a omechakl er a daob, mecheklii, becheklel.
- omechar:** (*omech`ar*) (1)
omechar a mechar el olab a udoud; mecherar a beras, omechar a ngikel, ocheral a dekool.
- omechar:** (*omech`ar*) (2)
omechar a locha er a chelsel; smuk a ralm; mechar a ollumel er a ralm, ochedul a olmelel.





omechas

omechas: (*omech`as*)

omechas a oba chas el meluches,
melecha olangch, mechesengii,
mechas a kerrekar, uchesengel.

omechebech: (*omecheb`ech*)

omechebech a omech a betok.

omechebecheb: (*omecheb`echeb*)

omechebecheb a omult er a
dengarech el mo chebecheb;
ochebechebel.

omechecheliu: (*omechechel`iu*)

omechecheliu a telkib el
omecheliu.

omechecherel: (*omechecher`el*)

omechecherel a dechelel;
omechucher er a ngelsonges.

omechechiib: (*omechech`iib*)

omechechiib a telkib el omechiib.

omechederiib: (*omecheder`iib*)

omechederiib a olechoid,
olechetekl, mechederiib,
mechederibii a blai, ochederibel.

omechei: (*omech`ei*)

omechei a diak lolai, mecherei,
merael e mechei a klalo.

omechelang: (*omechel`ang*)

omechelang a kot el mo meruul;
mocha omuchel; uchelel a urreor,
mechelii, muchel.

omecheliu: (*omechel`iu*)

omecheliu a mangedmokl,
omekerreu, sensei a omecheliu a
omesubir a rengalek.

omechell: (*omech`ell*)

omechell a cheroll, mechell el
betok a rengelekel, mechellii a
tolechoi, cherellel.

omechelung: (*omechel`ung*)

omechelung a mochu omuchel.

omechem: (*omech`em*)

omechem a melechet, orreked,
mechem a ngikel, mechem a
chimal a merechorech, ochemil.

omecheoch: (*omech`eoch*)

omecheoch a mesisiich el olengit;
mecheoch a udoud er a demal,
mechechii a klok, ochechel a chutem.

omecherellel: (*omecherell`el*)

omecherellel a omecheroll er ngii.

omecheritem: (*omecher`item*)

omecheritem a melangch a nger er
a chaibebelau; ouchais er a dengchel.

omecheroll: (*omeccher`oll*) (1)

omecheroll a blil a ngalek e
tebedellel er a diil, omecherellel.

omecheroll: (*omecher`oll*) (2)

omecheroll a olsechall er a cheroll
er a osbitar.

omecheruul: (*omecher`uul*)

omecheruul a klekedall el olsiseb
er a kekerei a ngerel; omechar a
ralm; omecheruul er a ilaot me a
cheluch.

omechesongel: (*omeches`ongel*)

omechesongel a kitalong (blil a
chas), klekedall er a kldachebai,
omechas.

omechetatel: (*omechet`atel*)

omechetatel a ngii di lolekoi;
bubong, delbard a ngerel, diak a
orrenses er a omechetatel.

omechiib: (*omech`iib*)

omechiib a omkais, mechiiibii el mo
chemolt; mchiib a chelucheb, ochibel.

omechit: (*omech`it*)

omechit a mechit, nguu, ngmai er a
chisel el otobed, mechit a medal
a ngikel, bechetil.

omechiuaiu: (*omechiu`aiu*)

omechiuaiu a rullii el mo
mechiuaiu, mo bad; mechiiiii a
ngalek, ochiuiuel.

omechobech: (*omech`obech*)

omechobech a omades.

omechucher: (*omech`ucher*)

omechucher a omdois el mo er a
kirel; mo diak le klsadel,
mechucher a udoud el mo
\$10,000.00 locha omechecherel,
ochecherel a udoud.

omechull: (*omech`ull*)

omechull a odak e lmechet;
mechull, mechulii a idungel,
ochulel.



- omechur: (omech`ur)**
omechur a omasech; osiik er a ildois, mechur a udoud, mecherengar, ocherengel a udoud.
- omechutem: (omech`utem)**
omechutem a msa chetemel; locha chutem er a rael, mchetemii, mechutem, uchetemel.
- omechuus: (omech`uus)**
mechuus a omekang, remuul a uus; omechuus er a rechad er a urreor.
- omed: (om`ed) (1)**
omed a meleng; omed a udoud, bedeel a udoud er a bangk.
- omed: (om`ed) (2)**
omed a melechiir; omed er a bduu; medir a bduu.
- omed: (om`ed) (3)**
omed a melai; omed a kall er a belatong; medir a kliou; bedil.
- omedaoch: (omed`aoch)**
omedaoch a di mengelebed el orrebet; melai el oba a kaiu, medaoch a iedel, medochii a meradel, bedochel.
- omedebed: (omedeb`ed)**
omedebed a telkib el omed.
- omedebodes: (omedeb`odes)**
omedebodes a outeriobs, omodes, daob a omedebodes; meringel el daob; bedesel a daob
- omedechakl: (omedech`akl)**
omedechakl a omitelek, mitekелengii, medecheklii a sechelil, medechakl, bedecheklel.
- omedechakl: (omedech`akl)**
omedechakl a tmilech; chemoit, singerekl, medechakl a brak, medecheklii a sechelil, bedecheklel.
- omedikl: (omed`ikl) (1)**
omedikl a mikelii el mo er a bab; medeklii a kiuel, medikl a orrakl, bedeklel.
- omedikl: (omed`ikl) (2)**
omedikl a omedikl a malk, medeklii a beab el oba bedikl; bedeklel.
- omedobed: (omed`obed)**
omedobed a ngmai el choroid; nguubet, medebedii er a buuch, medobed a bilel, bedebedel a bail.
- omedoel: (omed`oel)**
omedoel a olsechall er a bedeel; merau a omedoel a udoud, medir, bedeel.
- omedokel: (omed`okel)**
omedokel a bliil a badek.
- omeius: (omei`us) (1)**
omeius a meius a omerael er a daob, omeius er a rubekul Belau a metengel me a dmanges (mo er a Oreor).
- omeius: (omei`us) (2)**
omeius a mengui; meius a ilumel.
- omekako: (omek`ako)**
omekako a rullii a chad el ngmasech rengul; saol a ulekako; mekekoi a ngalek, omekako er a sechelil, ulekekeuel.
- omekal: (omek`al)**
omekal a ousbech er a okal; merael er a milkolk e omekall, okelil a dui.
- omekall: (omek`all)**
omekall a orrael er a mlai; mekellii a a mlai er a ked, mekall a ert, bekellel a rrat.
- omekang: (omek`ang)**
omekang a mesterir a kall; medinges a omeka a rechad, omeka a ketat, okelel.
- omekard: (omek`ard)**
omekard a loia llomes; mekerdii a uid; mekard a ngau, okerdel.
- omekbail: (omekb`ail)**
omekbail a omail, msa bilel, milii, mekbail er a buchelsechal.
- omekbar: (omekb`ar)**
omekbar a mekbar; msa berul, loiaberul, omekbar er a smecher, ukberul.
- omekbat: (omekb`at)**
omekbat a omdidm, melachel, bulis a omekbat er a olab a mariuana, mekbetir, mekbat a ice; ukbetil.



omekbeches

omekbeches: (omekbech`es)

omekbeches a remuul a mechut elmo beches; ngmodech, mekbechesur, mekbeches a skuul, mo beches, ukbechesul.

omekbeot: (omekbe`ot)

omekbeot a remuul el mo beot; mekbetengii a char, mekbeot a klsibelreng el kirel a chad; mekbeot a urrereel a chad; ukbetengel.

omekberaod: (omekber`aod)

omekbereod a mekbereod; diak el kebekakl; mo obereod, mekberedii a chelngelel, ukberedel.

omekberaom: (omekber`aom)

omekberaom a meruul a ngikel el mo beraom; mekberaom a mesekuuk, mekberemii a odimel, ukberemel.

omekbetok: (omekbet`ok)

omekbetok a omdois; remuul el mo betok, mekbetok a ngeso el mo er a chebuul.

omekbitang: (omekbit`ang)

omekbitang a betok er a bita e kesai er a bitang; smingd er a bitang; urrereel a omerreder a omekbitang; diak el bluai.

omekbuch: (omekb`uch)

omekbuch a rullii el mo bechiil; ukbechil, mekbechir, mekbuch a babii.

omekbuk: (omekb`uk)

omekbuk a omechur; mekbuk a chelitelel el udoud er a betok el ocheraol, mekbuk a sils.

omekcharem: (omekch`arem)

omekcharem a rulleterir el mo chuarem; omekringel, mekemad a omekcharem a rechad.

omekchubs: (omekch`ubs)

omekchubs a rullii el mo mechubs, kar a mekchubs a kltkat me a telemall, mekchebsii a delobeche; ukchebsel.

omekchuu: (omekch`uu)

omekchuu a menguchebe; rullii el mo mechuu; kerrekar a mekchuu a rael, chungel.

omekdakd: (omekd`akd)

omekdakd a rulleterir el mo medakd deleb a omekdakd; mekdekdi a ngalek, ukdekdel.

omekderboreb: (omekderb`oreb)

omekderboreb a mekdereberebii; mo reboreb, buik a mekderboreb a ochil, ukdereberebel.

omekdinges: (omekd`inges)

omekdinges a mekelterir el mo medinges; mekdengesii, omekdinges er tir; ukdengesel.

omekdirty: (omekd`irt)

omekdirty a mekdirty, mekditii; remuul el mo medirt, ukdertel.

omekdolech: (omekd`olech)

omekdolech a remuul el mo betok; mekdolech a osechel a klengoes, mekdelechii a lmel a ngeliokl, ukdelechel.

omekdubech: (omekd`ubech)

omekdubech a remuul el duubeche; mekdubech a diokang; mekeroul a dait, mekdubech a delengchokl, mekdebechii a ngalek, okedbechel.

omekduch: (omekd`uch)

omekduch a chemiil el mo meduch; omekduch a tuu; ukdechal.

omekebakes: (omekeb`akes)

omekebakes a omakes; betok el bakes, ngalek a omekebakes, mekesii, makes a ochil; bekesel.

omekebek: (omek`ebek)

omekebek a rullii el blekebek; mo diak le merur; diak el chebechobel, mekebekii a chad, bekebekel a merrengang.

omekedasech: (omeked`asech)

omekedasech a telkib el mengider; omekedasech er a rubak el mo sengkio.





- omekedechor:** (*omekedech`or*)
omekedechor a mekedechor;
remuul a betok el blai;
mekedecherur a klou el blai,
okedecherul.
- omekedelad:** (*omekedel`ad*)
omekedelad a meringel el
mengedmokl a okedeldaol,
mekedelad a skulir, mekedeldar a
tolechoi, okedeldal.
- omekedengarech:** (*omekedeng`arech*)
omekedengarech a remuul a
chebecheb el mo dengarech;
mekedengarech a belatong;
mekedengerchii a uel,
okedengerechel a olekang;
dengerechel.
- omekedong:** (*omeked`ong*)
omekedong a oleker; mekedong a
sius; mekedongii a sechelil,
okedongel.
- omekedurs:** (*omeked`urs*)
omekedurs a mekedurs; mo
mechiuaiu, mekedusii a ngalek,
omekedurs a babier a omekioud,
okedusel.
- omekeek:** (*omek`eek*)
omekeek a remuul el mo mui,
mekeek a ollumel, mekekii a idib,
kob; okekel.
- omekekebakes:** (*omekekeb`akes*)
omekekebakes a omekebakes.
- omekekedelad:** (*omekekedel`ad*)
omekekedelad a telkib el
omkedelad.
- omekekerall:** (*omekeker`all*)
omekekerall a mekudem el
omekerall.
- omekekerreu:** (*omekekerr`eu*)
omekekerreu a telkib el
omekerreu.
- omekekesangch:** (*omekekes`angch*)
omekekesangch a telkib el
omekesangch.
- omekekesiu:** (*omekekes`iu*)
omekekesiu a telkib el
omekesiu.
- omekeklomes:** (*omekekl`omes*)
omekeklomes a mekekakil el
omeklomes.
- omekellang:** (*omekell`ang*)
omekellang a mocha omekall.
- omekellok:** (*omekell`ok*)
omekellok a diak le chelellakl; di
ouedikel, rengalek a omekellok er
a mekesokes, diak lolengull.
- omekellung:** (*omekell`ung*)
omekellung a mochu omekall.
- omekerall:** (*omeker`all*) (1)
omekerall a mengedib; kibetiekl e
mengedib; mkerellii a chimal,
mekerall a babier; bekerellel.
- omekerall:** (*omeker`all*) (2)
omekerall a belsibs el dechurrellel a
orrakl er a mlai er a daob.
- omekerrau:** (*omekerr`au*)
omekerrau a chodeng a rengud;
remuul a rengud el mo rrau
omesodel a diak le bleketakl;
tekingel a omekerrau a rengud.
- omekerreu:** (*omekerr`eu*)
omekerreu a kerekikl; ulekerreuil
el mengedmokl a rechad; mekerreu
a chutem, mekerreuir a delal,
omecheliu er a ngii di le
mechitechut e dmeu a rengul, ulekerreu.
- omekesangch:** (*omekes`angch*)
omekesangch a omok; mekesangch
a chemang, omkais, mekesengchii
a ngerel, bekesengchel.
- omekesebech:** (*omekes`ebech*)
omekesebech a telkib el mkisii;
mekesebechii a ngerel; mekesebech
a bliil a kall e melilt a sorir,
okesebechel.
- omekesiu:** (*omekes`iu*)
omekesiu a odak e omes a osisiu;
omekesiu er a ngalek er a demal,
mekesiur, mekesiu, okesiul.
- omeketakl:** (*omeket`akl*)
omeketakl a olecholt el mo
bleketakl, meketakl a
cheldechoduch, meketeklii a soal,
beketeklel a tekoi.





omekiai

- omekiai: (omeki`ai)**
omekiai a oudelasech; mekiai a mariuana, mekiir a delsechel, ukiil a ice.
- omekiai: (omeki`aiu)**
omekiai a remuul el mo meiai el mtanget, mekiai a toluk.
- omekidokel: (omekid`okel)**
omekidokel a omekiidek; mekidokel, remuul el mo diak el beches.
- omekiil: (omek`iil) (1)**
omekiil el klengoes a ongeru el klebesei er uriul er a orakiruu.
- omekiil: (omek`iil) (2)**
omekiil a mengikai e merengul el tuchelbaki.
- omekiit: (omek`iit)**
omekiit a oleiit; omulak el omurech e oietii a biskang; mekiit a lidir.
- omekikbuk: (omekikb`uk)**
omekikbuk a telkib el omekbuk.
- omekikdabd: (omekikd`abd)**
omekikdabd a telkib e mekudem el omekdabd.
- omekikdubech: (omekikd`ubech)**
omekikdubech a mekudem el omekdubech.
- omekikiai: (omekiki`ai)**
omekikiai a telkib el omekiai.
- omekikiit: (omekik`iit)**
omekikiit a telkib el omekiit.
- omekikioud: (omekiki`oud)**
omekikioud a telkib el omekioud.
- omekiklatk: (omekikl`atk)**
omekiklatk a mekudem el omeklatk.
- omekiklusech: (omekikl`usech)**
omekiklusech a ourureng a lusech el kirel a chad
- omekikmad: (omekikm`ad)**
omekikmad a mekekokil el omekmad.
- omekikmarek: (omekikm`arek)**
omekikmarek a omekmarek.
- omekikngiis: (omekikng`iis)**
omekikngiis a omekngiis.

- omekikrael: (omekikr`ael)**
omekikrael a omekrael.
- omekikringel: (omekikr`ingel)**
omekikringel a omekringel.
- omekiksau: (omekiks`au)**
omekiksau a mekekokil el omeksau.
- omekingar: (omeking`ar)**
omekingar a mekedengchokl.
- omekioud: (omeki`oud)**
omekioud remuul el mo meoud, mekioud a kles, mekueudii a omerael.
- omekiusech: (omeki`usech)**
omekiusech a mengiil er a iusech; ert a omekiusech e tobedung.
- omeklatk: (omekl`atk)**
omeklatk a meklatk; mekltkii er a urreor, omeklatk er ngii er a klumech.
- omeklechelel: (omeklechel`el)**
omeklechelel a omeklochel er ngii.
- omeklemalt: (omeklem`alt)**
omeklemalt a melamet; meruul el diak el chebirukel; meklemalt a ungamk, tometii a omerolel, tuamet a omerellel, temetel.
- omekllomes: (omekll`omes) (1)**
omekllomes a mengiil er a llomes; olbidel a mekllomes a blai, mo mellomes; ukllemesel.
- omekllomes: (omekll`omes) (2)**
omekllomes a mekllomes; mesaod el meledaes a tekoi, mekllemesii, omekllomes a reng, olsisechaki.
- omeklochel: (omekl`ochel)**
omeklochel a delomeklochel; chutem el kiei er ngii a ralm; dechel a omeklechelel.
- omeklusech: (omekl`usech)**
omeklusech a meklusech, meklsechii a ocheraol, mo melusech; mo mesisiich, lsechel.
- omekmad: (omekm`ad)**
omekmad a mekmad; locha medal; locha oltechil, mekmedar audoud, ukmedal.





- omekmarek: (omekm`arek)**
omekmarek a mengiil er a rekel;
mekmarek a tuu, mekmerekii a
ngeliokl, ukmerekel.
- omekmeau: (omekme`au)**
omekmeau a ngmai a bilel; rullii el
blechetoel, rullii el mo meau.
- omekmeoud: (omekme`oud)**
omekmeoud a omekioud.
- omekngaos: (omekng`aos)**
omekngaos a mesumech a ngaos;
omerek a llel a kerrekar, mekngosii
a chutem; mekngaos.a eungel
a kerrekar; ukngosel.
- omekngeltengat: (omekngelteng`at)**
omekngeltengat a meltelat;
mesterir a klengeltengat, Dios a
omekngeltengat er a rechad.
- omekngiis: (omekng`iis)**
omekngiis a mekngiis; omekdirt er
a sils, omngiis, mngiis a bilel, ukngisel.
- omekoad: (omeko`ad)**
omekoad a ngmai klengar;
okngemed a telil a chad, mekoad a
reng, mekodir a babii; okodil.
- omekodall: (omekod`all)**
omekodall a klalo me a kall el
rullii a chad me ng mad;
omekodall el klalo a olsecher, ice
a omekodall.
- omekodil: (omekod`il)**
omekodil a debusech el merrob a
uldikel er a beluu me a lechub e ng
cheldebechel.
- omekord: (omek`ord)**
omekord a mekord e remuul el
klebokel e ungil, blekord a
cheldechedechal, omekord er a
dilukai.
- omekrael: (omekr`ael)**
omekrael a orrael; olecholt er a
rael; mekrael a bilas, mekrolii a
mengebelung, ukrolel a uau.
- omekramek: (omekr`amek)**
omekramek a mekramek; locha
ramek; mekremekii a mesei, sers,
ukremekel.
- omekrames: (omekr`ames)**
omekrames a mekrames; remuul el
merames; diak le mekudem,
mekremesii, merames a dait,
remesel.
- omekrat: (omekr`at)**
omekrat a mekrat; mengiil er a rtul;
omekrat a bambuu, merat.
- omekreakl: (omekre`akl)**
omekreakl a melibek; mengeroid,
omekreakl a chimal a mengelebed.
- omekringel: (omekr`ingel)**
omekringel a mekringel; remuul el
mo meringel; mekregelii a llechul
a boes, ukrengel.
- omekringelreng: (omekringelr`eng)**
omekringelreng a mekreos el chad;
klou a belkul er a beluu,
tebechelel a beluu; omekringelreng
a medei.
- omekrur: (omekr`ur)**
omekrur a mekrur; rullii el mo
merur, rur, mekerrengii,
chobechebelii.
- omekrureu: (omekr`ureu)**
omekrureu a meringel el osiik;
olechoud er a mlo dibus;
omekrureuer a udoud, ng
rureulngau, dibus.
- omeksaik: (omeks`aik)**
omeksaik a olsaik; meksaik, isingel
el merreder a omeksaik a rechad;
melirem a reng.
- omeksau: (omeks`au)**
omeksau a meksau; rulleterir el mo
smau, sorir, meksongii, omeksau a
rengalek, uksongel.
- omeksaul: (omeks`aul)**
omeksaul a rullii a chad el mo
mesaul; kedelebuu el tolechoi a
omeksaulchim; urreor er a
ringelsils a omeksaik; meksaul,
meksulii.
- omeksaulchim: (omeksaulch`im)**
omeksaulchim a meksaul a chim a
meringel el mekider; kedelebuu el
tolechoi a omeksaik.





omeksaulngor

omeksaulngor: (omeksaulng`or)

omeksaulngor a chad el diak loruul a lak le medung; chiseikl a tekoi er ngii, mesaul a ngered el di melekoi.

omeksauluach: (omeksaulu`ach)

omeksauluach a betok a oderechelel; meksaul a uach el mo e mei.

omeksecher: (omeks`echer)

omeksecher a olsecher, omuchel a secher, omengang el laok me a mecherocher a omeksecher a rechad.

omekseked: (omeks`eked)

omekseked a remuul el mo meseked; olseked, mo kosekodel; osekedii a blai, smeked a chutem, osekedel a blengur.

omeksel: (omeks`el)

omeksel a meksel; keterkokl el uus a omeksel er kid, mesel er a skel a udoud me a kall.

omeksemeriar: (omeksemeri`ar)

omeksemeriar a rullid el mo semeriar; kladikm el meloik a omeksemeriar er a bis; semeriar, olengangeder a rechad.

omeksengaked: (omekseng`aked)

omeksengaked mengoes er a omengelel; soal el mo mesengaked.

omeksengerenger: (omeksenge`renger)

omeksengerenger a olsengerenger; meketeket el songerenger a mo el mad er a sbekekl; mad er a sengerenger.

omekses: (omeks`es)

omekses a dachelbai el rulleterir a rechedal el mo meses; beruadel e melemalt a omekses a rechad, meksesengii, ukksesengel.

omekseselkrenng: (omekseselkr`eng)

omekseselkrenng a olturekrenng; melbeseaol a cheldechedechal a omekseselkrenng; seselk a rengud el orrengees a omelebeseaol; checherd a rengud.

omeksulaul: (omeksul`aul)

omeksulaul a ketiaol el tekoi; melechetech el cheldecheduch a omeksulaul; bis a mo mesulaul.

omektaut: (omekt`aut)

omektaut a oltaut, tmaut, mektutii a biskelengel er a temekai, otutel.

omekterached: (omekter`ached)

omekterached a melekoi a terechedel a chad; omekkeek er a chad er a mekngit; omekterached er ngii, melecha terechedel.

omektutau: (omektut`au)

omektutau a ta er a bedengel a ngikel.

omekuasech: (omeku`asech)

omekuasech a meruul a odoim el klou a osechel.

omekulel: (omekul`el)

omekulel a omekuul er a mlil.

omekuleoll: (omekule`oll)

omekuleoll a mesisiich el kerrekar el tekillel a ulaol er a bai, blai.

omekungil: (omekung`il)

omekungil a rullii el mo ungil; diak le mekngit, toktang a omekungil a secher.

omekuul: (omek`uul)

omekuul a olsechall el okuul a mlai, bilas er ngii, omekulel.

omelakl: (omel`akl)

omelakl a belsechel a omelakl, omelakl er a ulekoad, doklii; deklel.

omelatck: (omel`atk)

omelatck a melatck, beltikkerreng, lotkii a delal, demal, lmatck a ungil el deleongel, ltkel.


omelau: (omel`au)

omelau a blelau; mengedecheduch el meleliuekl; sebechel el kekedeb e ngii a kometetii; seselk a renguk er a omelau el cheldecheduch.

omeld: (om`eld)

omeld a meruul a ulei, meld a lius el mo uleld.





- omeldakl: (omeld`akl) (1)**
omeldakl a omodes, omeldakl;
meldeklii a malk, medesii a ngikel;
blodes el odoim.
- omeldakl: (omeld`akl) (2)**
omeldakl a meldakl; omeldakl a
chutem er a blai; ometech.
- omeldeld: (omeld`eld)**
omeldeld a rullii el mo uldeld;
omeldeld er a uasech el mo
urrekerek.
- omelduchel: (omeld`uchel)**
omelduchel a locha bldechelel;
melatk e merau a omelduchel a
\$10,000 me a udoud er a Belau.
- omelebalech: (omeleb`alech)**
omelebalech a ousesekool el omalech.
- omelebel: (omel`ebel)**
omelebel a mesaur; melechet el
meleliuekl, omelebel a ngikel,
melebel a billum, melebelii a
chebis, belebelel.
- omelechang: (omelech`ang)**
omelechang a melechang; lochang,
ak mle omelechang a kall,
lechengel a kless.
- omeleketek: (omelek`etek)**
omeleketek a meleketek;
mengisois, toketekii a blai, toketek
a kall, teketekel.
- omelekingel: (omeleking`el)**
omelekingel a ngerel; omelekoi er
ngii, ungil a delecherul a ngerel.
- omelekl: (omel`ekl)**
omelekl a omilt a osisiu el tekoi,
meleklii a cheldechedechal,
blelekl, melekoi a mla medung a
omelekl.
- omelekoi: (omelek`oi)**
omelekoi a teletelel a
cheldecheduch; ungil el omelekoi
a mak a ungil el klauchad me a
klausechelei.
- omelibenged: (omelib`enged)**
omelibenged a melibenged; remurt
el mengemull, melengaol,
outibenged.
- omeliik: (omel`iik)**
omeliik a melai er a bab; meliik a
mengur, melkii a medecheduch,
belkel a mengur.
- omelilt: (omel`ilt)**
omelilt a melilt; omelilt er a skuul,
ngiltii a kot e omechobech el mei.
- omeliiod: (omeli`od)**
oemliiod a ta er a bedengel a
omenged, meliod.
- omellel: (omell`el)**
omellel a omall er ngii; klekedellel
a klidm.
- omellokl: (omell`okl)**
omellokl a meukel el mong e mei,
bellokl, lius a omellokl er a eolt,
belleklel a lius.
- omeltkel: (omeltk`el)**
omeltkel a omelatk er ngii, melatk.
- omeluosu: (omelu`osu)**
omeluosu a ullebongel el
omelmesumech er a beldokel;
omelakl.
- omeng: (om`eng)**
omeng a mengir; dokedekii, mertii,
toktang a mla meng a ngerir e
omodk, bengel.
- omengades: (omeng`ades)**
omengades a mengades; chodesii
a rael, chemades a debull, chedesel.
- omengat: (omeng`at)**
omengat a mengat; otur a omechell
er a mekeald, chat, chemat a
ngikel, chetul.
- omengchel: (omengch`el)**
omengchel a techetechel; omangch
er ngii el chemang.
- omengechel: (omeng`echel)**
omengechel a olsechall el
kdekudel; obangch me a lechub e
ng metemall a chad er ngii,
Toachelmid a omengechel er a
chedeng.
- omenged: (om`enged) (1)**
omenged a blenged, blengodel er
ngii bereked er ngii; mengedii er a
demal, bengedel.





omenged

omenged: (*omeng`ed*) (2)

omenged a ngar er a chei;
omenged el omuked, omub, omelebed.

omengedakl: (*omenged`akl*)

omengedakl a blengedakl;
cheterochel; diak el cheleoch el
ngalek; omengedeklel a delal.

omengedeklel: (*omengedekl`el*)

omengedeklel a omengedakl er ngii.

omengedkad: (*omengedk`ad*)

omengedkad a mangedkad; rubak
a omesterir a udoud a remengol,
char er a klomengelungel el
kedkad a ngklel.

omengellel: (*om`engellel*) (1)

omengellel a daob; daob a mo
subechii er a cheldukl; cheldukl a
omengellel; daob a subechii er ngii
e obuu.

omengellel: (*omengell`el*) (2)

omengellel a omengull er ngii, mengull

omengerdakl: (*omengerd`akl*)

omengerdakl a mengerdakl a
chelitakl, ngar er ngii a ongesebel
el klou el tuobed.

omengesmachel: (*omengesm`achel*)

omengesmachel a klakodil a
cherrirs; mengerirs a
mengesmachel er a songel a bechil;
oldechelakl er ngii.

omengetakl: (*omenget`akl*)

omengetakl a ta er a bedengel a
omenged, mengetakl.

omengetikaik: (*omengetik`aik*)

omengetikaik a mengesuseu el
oitikikii; mengetikaik el mo olterau
a ice, chetikikel.

omengetikikel: (*omengetikik`el*)

omengetikikel a omengetikaik er
ngii, mengetikaik.

omengiil: (*omeng`iil*)

omengiil a olsingch; mengiil er a
merreder el mei er a bai.

omengilt: (*omeng`ilt*)

omengilt a mengilt, chiltii er a
reng, chemilt a bedengel er a kar,
cheltel.

omengimd: (*omeng`imd*)

omengimd a mengimd; omengimd
el chui; omgengimd er a ribong

omengit: (*omeng`it*)

omengit a mengit; mesumech a
mengit a meringel er a uldechuul;
kitir, kmit a ochil.

omengiuch: (*omengi`uch*)

omengiuch a mengiuch;
omengiuch er a ding a mekngit;
metemall a dingam.

omengiuongel: (*omengiu`ongel*)

omengiuongel a mengemekl a
tekoi; mengiuongel; chiuongel el
chad a mengesang, cheliuongel.

omengkangk: (*omengk`angk*)

omengkangk a omekedurs;
mengkangk a kerrekar,
mengkengkii a oluches, bengkengk.

omengkar: (*omengk`ar*)

omengkar a klekar, kokerengii a
bank, kokar a udoud, kekerengel.

omengrong: (*omengr`ong*)

omengrong a mocha omengur;
mengelang.

omenguk: (*omeng`uk*)

omenguk a menguk; menguk a
meringel er a bedengel el osiik er a
telemall

omengull: (*omeng`ull*)

omengull a mengull; melengmes,
kullii a Chelid; mengull a rechad,
kmull a llach.

omengur: (*omeng`ur*)

omengur a mengang, blengur er a
tutau, blengrul.

omeob: (*ome`ob*)

omeob a meob; mepii a kukau,
meob a blauang, bebeel.

omeongel: (*ome`ongel*)

omeongel a klalo el omeu, meu,
bad er a taoch er a Oikull a
omeongel.

omerael: (*omer`ael*)

omerael a merael; omerael el mo er
a buil, omerollel el mo er a
Merikel.

